

# SANCTO FRANCISCO ASSISIENSI

ET

DE TERTIO FRANCISCALIUM ORDINE

PROPAGANDO

Sanctissimi Domini Nostri LEONIS Divina Providentia PAPA\*! XIII  
Epistola Encyclica ad Patriarchas Primates Archiepiscopos et Epi-  
scopos universos catholici orbis gratiam et communionem cum  
Apostolica Sede habentes

VENERABILES FRATRES

i  
SALUTEM ET APOSTOLICAM BENEDICTIONEM

Auspicato concessum est populo christiano duorum virorum memoriā brevi temporis intervallo recolere, qui ad sempiterna sanctitatis praemia in caelum evocati, praeclarā alumnorum copiam, tamquam virtutum suarum perpetuo renascentem propaginem, in terris reliquerunt. — Siquidem post saecularia sollemnia ob memoriam Benedicti, monachorum in Occidente patris legiferi, proxima est occasio non dispar habendorum publice honorum Franciso Assisiensi, septimo post quam natus est exeunte saeculo. Quod sane contingere benigno quodam divinae providentiae consilio, non imerito arbitramur. Nam oblato ad celebrandum tantorum patrum natali die, homines admonere Deus velle videtur, ut summa illorum merita recordentur, simulque intelligent, conditos ab iis virorum religiosorum ordines tam indigne violari minime debuisse, in iis praesertim civitatibus, quibus incrementa humanitatis et gloriae labore, ingenio, sedulitate pepererunt. — Ista quidem sollemnia con-

\* fidimus haud vacua fructu futura populo christiano, qui non sine •caussa sodales religiosos amicorum loco semper habere consuevit: propterea que sicut Benedicti nomen magna pietate gratoque animo honoravit, ita nunc Francisci memoriam festo cultu et multiplici significatione voluntatis est certatim renovaturus. Atque istud pietatis reverentiaeque honestum certamen non regione circumscribitur, in qua vir sanctissimus editus est in lucem, nec finitimus a

praesentia eius nobilitatis spatiis: sed late est ad cunctas terrarum oras, quacumque Francisci aut nomen percrebuit, aut instituta vi- gent, propagatum.

Hunc animorum in re optima ardorem Nos certe sic probamus,, ut nemo magis; praesertim quia Franciscum Assisiensem admirari praeципuaque religione colere ab adolescentia assuevimus, et in fa- miliam Franciscanum adscitos esse gloriamur , et sacra Alvernae iuga libentes atque alacres, pietatis caussa, non semel ascendimus: quo loco tanti viri imago, ubicumque poneremus vestigium, obiicie- batur animo , mentemque tacita cogitatione suspensam memor illa- solitudo tenebat. —"Sed quantumvis sit istud studium laudabile, tamen nequaquam in isto omnia. Ita enim de honoribus, qui beato- Francisco properantur, statuendum, tunc maxime futuros ei, cui deferuntur, gratos si fuerint iis ipsis, qui deferant, fructuosi. In hoc autem positus est fructus solidus minimeque caducus, ut cuius excellentem virtutem homines admirantur, similitudinem eius ali- quam adripiant, fierique studeant ipsius imitatione meliores. Quod, opitulante Deo, si studiose effecerint, projecto quaesita erit pree- sentium malorum opportuna et valde efficax medicina. — Vos itaque- volumus, Venerabiles Fratres, per has Litteras alloqui, non modo- pie tatem erga Franciscum Nostram publice testaturi, verum etiam vestram exeatutri caritatem, ut in hominum salute eo, quo dixi- mus, curanda remedio Nobiscum pariter elaboretis.

Liberator generis humani Jesus Christus fons est perennis, atque perpetuus omnium bonorum quae ab infinita Dei benignitate ad nos proficiscuntur, ita plane ut qui semel mundum servavit idem sit in omnes saeculorum aetates servaturus : *Nec enim aliud nomen est sub caelo datum hominibus, in quo oporteat nos salvos fieri* (1). Si quando- igitur naturae vitio aut hominum culpa contingat , ut in deterio- rem partem delabatur genus humanum, et singulari quadam ope indigere ad evadendum videatur, omnino recipere se ad Iesum Chrâ- stum necesse est, atque istud putare maximum certissimumque perfugium. Divina enim illius virtus tam magna est tantumque, pollet, ut omnium in, ea vel periculorum depulsio, vel malorum posita sanatio sit. Futura est autem certa sanatio, si modo ad professionem christiana sapientiae, et ad evangelica vivendi pree- cepta genus humanum reducatur. Iis autem, quae diximus, forte incidentibus, malis, simul ac solatii venit divinitus provisa maturitas, fere iubet Deus , continuo virum aliquem in terris existere non unum de multis, sed summum et singularem, quem restituendae sa- lutis publicae praficiat muneri. Atqui istud plane nsuveniebat sub

exitum saeculi duodecimi aliquantoque serius; fuit autem eius maximus operis perfector Franciscus.

Satis illa nota est aetas cum sua indeole virtutum ac vitiorum. Insita altius in animis vigebat fides catholica: pulcrumque erat complures pietatis fervore incensos in Palaestinam transmittere qui vincere aut emori destina vissent. Sed tamen valde populares mores licentia mutaverat: nihilque erat tam hominibus necessarium, quam ut christianos spiritus revocarent. — Iamvero christianae virtutis caput est generosa animi affectio, rerum arduarum ac difficilium patiens: cuius forma quaedam in cruce adumbratur, quam qui Christum sequi malunt, onusto ferant humero necesse est. Illius autem partes affectionis sunt, abstinentem rerum mortalium animum gerere: sibimet acriter imperare: casus adversos facile moderateque ferre. Denique caritas in Deum, in proximos una omnium est domina et regina virtutum; cuius tanta vis est, ut molestias, quae officium comitantur, omnes abstergeat, laboresque quantumvis magnos non tolerabiles solum efficiat, verum etiam iucundos.

Harum virtutum saeculo duodecimo magna apparebat inopia, cum nimis multi, penitus mancipati rebus humanis, aut appetentia honorum ac divitiarum insanirent, aut per luxum et libidines aetatem agerent. Plurimum valebant pauci; quorum opes fere in oppressionem miserae et contemptae multitudinis evaserant: atque huiusmodi vitiorum maculas ne ii quidem effugerant, qui disciplinae ceteris esse ex instituto debuissent. Et restincta passim caritate, variae quotidianaeque pestes consecutae erant, in videre, aemulari, odisse, distractis adeo infestisque animis, ut ad minimam quamque caussam et civitates finitimae sese invicem praeliando confluenter, et cives cum civibus ferro inhumane decernarent.

In id saeculum Francisci cecidit aetas. Qui tamen mira constantia, simplicitate pari aggressus est dictis et factis genuinam christianaee perfectionis imaginem senescenti mundo ad spectandum proponere.— Reapse, quemadmodum dominicus Gusmanus pater integritatem caelestium doctrinarum per eadem tempora tuebatur, pravosque haereticorum errores luce christianaee sapientiae depellebat, ita Franciscus ad grandia ducente Deo, illud impetravit ut ad virtutem excitaret christianos homines et diu multumque devios ad imitationem Christi traduceret. Non certe fortuito factum est, ut ad aures acciderent adolescentis illae ex Evangelio sententiae: *Nolite possidere aurum, neque argentum, neque pecuniam in zonis vestris, non peram in via, neque duas tunicas, neque calceamenta, neque virgam* (1). Et, *Si vis perfectus esse, vade vende quae*

*habes et da pauperibus.... et veni, sequere me* (1). Quae tamquam sibi nominatim dicta interpretatus, continuo abdicat se rebus omnibus, vestimenta mutat; paupertatem sibi sociam et comitem constituit in omni vita futuram\*, et maxima illa virtutum praecepta, quae celso erectoque animo amplexus erat, Ordinis sui velut fundamenta fore decernit. Ex eo tempore, inter tantam saeculi molitiam fastidiumque delicatissimum, ille horrido cultu atque aspero incedere: victimum ostiatim quaerere: et quae acerbissima putantur, insanae plebis ludibria non tam perferre, quam vorare alacritate mirabili. Videlicet stultitiam Crucis Christi adsumpserat et probarat uti absolutam sapientiam; cumque in eius augusta mysteria intelligendo penetravisset, vedit iudicavitque nusquam posse gloriam suam melius collocari. — Una cum amore Crucis, pervasit Francisci pectus caritas vehemens, quae impulit hominem, ut propagandum nomen christianum animose susciperet, ob eamque caussam obviam sese vel manifesto capitnis periculo ultro offerret. Hac ille caritate homines complectebatur universos: multo tamen cariores habuit egenos et sordidos, ita prorsus ut quos ceteri refugere aut superbius fastidire consuevissent, iis potissimum ille delectari videretur. Qua ratione egregie de ea germanitate meruit qua restituta perfectaque ex toto hominum genere unam velut familiam Christus Dominus conflavit, in potestate unius omnium parentis Dei constitutam.

Tot igitur virtutum praesidio atque hac praesertim asperitate vitae, studuit vir innocentissimus formam Iesu Christi, quoad poterat, in se ipse transferre. Sed divinae providentiae numen in hoc etiam duxisse videtur, quod rerum externarum singulares quasdam cum divino Redemptore similitudines assecutus est. — Sic, ad exemplar Iesu, Francisco contigit, ut in lucem susciperetur in stabulo, ac tale stratum haberet puer infans, quale olim ipse Christus tectam stramentis terram. Quo tempore, ut fertur, leves per sublime Angelorum chori, et mulcentes aera concentus similitudinem compleverunt. Item lectos quosdam, uti Christus Apostolos, sibi discipulos adiunxit, quos peragrare terras iuberet, christiana pacis ac semipaternae salutis nuntios. Pauperrimus, contumeliose illusus, repudiatus a suis, vel in hoc speciem Iesu Christi retulit, quod nec tantulum voluit habere proprium, quo caput reclinaret. Postrema similitudinis nota accessit, cum in Alverni montis vertice, velut in Calvario suo, novo ad illam aetatem exemplo, sacris stigmatibus corpori eius divinitus impressis, propemodum actus est in Crucem.— Rem hoc loco commemoramus non minus miraculo nobilem, quam

saeculorum praedicatione illustrem. Cum enim esset olim in crueia-tuum Christi vehementi cogitatione defixus, eorumque vim acerbissimam ad se traduceret, et tamquam sitiens hauriret, delapsus e caelo repente Angelus se ostendit: unde arcana quaedam virtus cum subito emicuisset, palmas pedesque quasi transfixus clavis, itemque velut acuta cuspide vulneratum latus Franciscus sensit. Quo facto , ingentem caritatis ardorem concepit animo : corpore vivam expressamque vulnerum Iesu Christi in reliquum tempus imaginem gessit.

Ista rerum miracula , angelico potius quam humano celebranda praeconio, satis demonstrant quantus ille vir, quamque dignus fuerit, quem aequalibus suis ad mores christianos revocandas .Deus destinaret. Profecto ad Damiani aedem exaudita Francisco est maior humana vox, /, *labentcm tuer e domum meam*. Neque minus admiratio-nis habet oblata divinitus Innocentio III species, cum sibi videre visus est Basilicae Lateranensis inclinata moenia humeris suis Franciscum sustinentem. Quorum vis ratioque portentorum perspicua est: nimirum significabatur, christiana reipublicae non leve per ea tempora praesidium et columen Franciscum futurum. Revera nihil cunctatus est quin accingentur. Duodeni illi, qui se in eius disciplinam primi contulerant, exigui instar seminis extiterunt , quod secundo Dei numine, auspiciisque Pontificis maximi, celeriter visum est in uber- rimam segetem adolescere. Eis igitur ad Christi exempla sancta institutis varias Italiae Europaeque regiones, Evangelii caussa, de-scribit: dato certis inter eos negotio, ut in Africain usque trai i ei ant. Nec mora: inopes, indocti, rudes, committunt tamen populo sese: in triviis plateisque, nullo loci apparatu nec pompa verborum, ad. contemptum rerum humanarum, cogitationesque futuri saeculi ho-mines adhortari incipiunt. Mirum tam ineptis, ut videbantur, ope-rariis quantus respondit operae fructus. Ad eos enim confluere cat er vat ini cupida audiendi multitudo: tum dolenter admissa defiere, oblivisci iniuriarum, ooiupositisque dissidiis ad pacis consilia redire. Incredibile dictu est, quanta inclinatione animorum ac prope impetu ad Franciscum turba raperetur. Assectabantur maximo concursu, quacumque ille ingrederetur: nec *iare»* ex oppidis , ex urbibus fre-quentioribus universi promiscue cives homini erant supplices , ut se vellet in disciplinam rite accipere.— Quamobrem caussa nata est viro sanctissimo, cur sodalitatem *Te j'ti i Ordì vis* institueret, quae omnem hominum conditionem, omnem aetatem , utrumque sexum recipere, nec familiae rerumque domesticar um vincula abrumperet. Eam quippe prudenter temperavit non tam legibus propriis, quam ipsis legum evangelicarum partibus : quae sane nomini christiano

graviores videantur. Videlicet praeceptis Dei Ecclesiaeque obtemperetur, absint factiones et rixae: nihil detrahatur de aliena re: nisi pro religione, patriaque, ne arma sumantur: modestia in victu cultuque servetur: f accessa t luxus: periculosa chorearum artisque ludicrae lenocinia vitentur.

Facile est intelligere permagnas manare utilitates ex huiusmodi instituto debuisse cum salutari per se, tum ad eam tempestatem mirabiliter opportuno. — Quam opportunitatem et satis: indicant coallitae eiusdem generis ex Dominicana familia aliisque ordinibus sodalitates, et eventus ipse confirmat. Sane illi Franciscalium ordini nomen dare infiammato studio summaque voluntatum propensione ab intimis ad summos vulgo properabant. Optarunt ante alios hanc laudem Ludo vicus IX Galliarum rex, et Elisabetha Hungarorum regina: successere aetatum decursu plures ex Pontificibus maximis, item ex Cardinalibus, ex Episcopis, ex regibus, ex dynastis, qui omnes insignia Franciscalia non aliena esse a dignitate sua duxerunt. — Sodales tertii ordinis animum suum in tuenda religione catholica pium aequa ac fortem probavere: quarum virtutum si magnam ab improbis subierunt invidiam, ea tamen, quae honestissima est atque unice expetenda, sapientium et bonorum approbatione numquam caruerunt. Immo Gregorius ipse IX Decessor Noster fidem ipsorum ac fortitudinem publice gratulatus, minime dubitavit et auctoritate sua defendere, et *milites Christi, Machabaeos alteros*, honoris caussa, appellare. — Neque carebat veritate laus. Magnum enim salutis publicae praesidium erat in illo hominum ordine: qui propositis sibi auctoris sui virtutibus et legibus, perficiebant, quoad facultas ferret, ut christianaे honestatis decora in civitate reviviscerent. Certe ipsorum opera exemplisque extinctae saepe aut delinitiae sunt factionum partes: erepta ab efferatorum dextris arma: litium et iurgiorum caussae sublatae: parta inopiae et solidutini solatia: castigata, fortunarum gurses et corruptelarum instrumentum, luxuria. Quare pax domestica et tranquillitas publica, integritas morum et mansuetudo, rei familiaris rectus usus et tutela, quae sunt optima humanitatis incolumentatisque firmamenta, ex tertio Franciscalium ordine, tamquam ex stirpe quadam, gignuntur: eorumque bonorum conservationem magna ex parte Francisco debet Europa.

Plus tamen, quam ulla ex gentibus ceteris, Francisco debet Italia; quae sicut eius virtutibus princeps theatrum fuit, ita maxime beneficia sensit. — Et sane quo tempore multa multi pro iniuria contenderent, ille afflito et iacenti constanter porrexit dexteram: in summa egestate dives, numquam destitit alienam sublevare inopiam,

immemor suae. Vagiit sua v te,' in eius ore patrius sermo recens : vim caritatis simul et poeticae expressit canticis, quae vulgus edisceret, quaeque, admiratione visa sunt non indigna eruditae posteritatis. Ad Francisci cogitationem, aura quaedam afrlatusque humano angustior ingenia nostrorum concitavit, ita quidem ut in eius rebus gestis pingendis, fingendis, caelandis, summorum artificum industria vertant. Nactus est in .Francisco Alighierus , quod grandiloquopariter mollissimoque caneret versu: Cimabue et Giottus, quod Parxhasii luminibus ad immortalitatem illustrarent: dari artifices aedicandi, quod magnificis operibus perficerent, vel ad sepulchrum hominis pauperculi, vel ad aedem Mariae Angelorum, tot tantorumque miraculorum testem. Ad haec autem templa homines undique compeare frequentes solent, veneraturi Assisiensem patrem pauperum, cui, ut se rebus humanis despoliaverat funditus, ita divinae bonitatis large copioseque dona affluxerunt.

Igitur perspicuum est, in christianam civilemque rempublicam ab uno hoc homine vim beneficiorum influisse. Sed quoniam ille eius spiritus, omnino excellenterque christianus mirifice est ad omnia et loca et tempora accommodatus, nemo dubitaverit, quin Franciscalia instituta magnopere sint aetate hac nostra profutura. Eo vel magis, quod horum temporum ratio ad illorum rationem pluribus ex caussis videtur accedere. — Quemadmodum saeculo duodecimo , ita nunc non parum deferbuit divina caritas: nec levis est officiorum -christianorum, partim ignoratione, partim negligentia, perturbatio. Simili animorum cursu similibusque studiis , in aucupandis vitae commodis, in consecrandis avide voluptatibus plerique aetatem consumunt. Diffuentes luxuria, sua profundunt, aliena appetunt: fraternitatis humanae nomen extollentes, plura tamen fraterne dicunt quam faciunt: feruntur enim amore sui, et illa erga tenuiores atque inopes genuina caritas quotidie minuitur. — Per eam aetatem multiplex Albigensium error, concitandis adversus Ecclesiae potestatem turbis, una simul civitatem perturbaret, et ad quoddam *Socialismi* genus munierat iter. Hodieque similiter *Naturalismi* fautores propagatoresque creverunt: qui subesse Ecclesiae oportere pertinaciter negant, et longius, quo consentaneum est, gradatim procedentes ne civili quidem potestati parcunt: vim et sediciones in populo probant: agrariam rem tentant; proletariorum cupiditatibus blandiuntur: domestici publicque ordinis fundamenta debilitant.

In his igitur tot tantisque incommodis, probe intelligitis , Venerabiles Fratres, spem sublevationis non exiguum collocari in institutis Franciscalibus merito posse, si modo in pristinum statum

restituantur. — Iis enim florentibus, facile floreret et fides et pietas et omnis christiana laus: frangeretur exlex caducarum rerum appetitio, nec pertaederet, quod maximum atque odiosissimum plerisque putatur onus, domitas habere virtute cupiditates. Concordiae vere fraternae vinclis colligati diligenter homines inter se, egenisque et calamitosis, quippe imaginem Christi gerentibus, eam, quam par est, reverentiam adhiberent. — Praeterea qui religione christiana penitus imbuti sunt, sentiunt iudicio certo, legitime imperantibus conscientia officii obtemperan, nullaque in re violari quemquam oportere: qua animi affectione nihil est efficacius ad extinguidam radicitus omnem in hoc genere vitiositatem, vim, iniurias, novarum rerum libidinem, invidiam inter varios civitatis ordines: in quibus omnibus initia, simul atque arma *Socialismi* consistunt. — Denique illud etiam, in quo prudentes rerum civilium tanto opere laborant, de locupletium et egenorum rationibus erit optime constitutum, hoc fixo et persuaso, non vacare dignitate paupertatem: divitem misericordem et munificum, pauperem sua sorte industriaque contentum esse oportere: eumque neuter sit ad haec commutabilia bona natus, alteri patientia, alteri liberalitate in caelum esse veniam.

His de caassis Nobis est diu et magnopere in votis, ut quantum quisque potest in imitationem Francisci Assisiensis se intendat. — Idcirco sicut semper antea tertio Franciscalium ordini singularem curam adhibuimus, ita nunc summa Dei benignitate ad gerendum Pontificatum maximum vocati, cum inciderit ut id peropportune fieri possit, christianos homines hortamur, ut nomen dare sanctae huic Iesu Christi militiae ne recusent. Plurimi numerantur passim ex utroque sexu, qui Patris Seraphici vestigiis alaci animo iam ingrediuntur. Quorum laudamus tale studium vehementerque probamus, ita tamen ut illud augeri et ad plures propagari, Vobis praesertim adnitentibus Venerabiles Fratres, velimus. Et caput est commendationis Nostrae, ut qui insignia *Poenitentiae* induerint, imaginem spectent sanctissimi auctoris sui, ad eamque contendant: sine qua, quod inde expectaretur boni, nihil esset. Itaque date operam, ut *Tertium Ordinem* vulgo noscant atque ex veritate aestiment: providete, ut qui curam gerunt animarum, doceant sedulo qualis ille sit, quam facile unicuique pateat, quam magnis in animorum salutem privilegiis abundet, quantum utilitatis, privatim et publice polliceatur. In quo eo magis est elaborandum quod sodales Franciscales ordinis primi et alterius gravi in praesens perculti plaga indigne laborant. Hi quidem utinam, parentis sui patrocinio\* defensi, celeriter ex tot fluctibus vegeti et floentes emergant!

Utinam, etiam christiana gentes ad disciplinam tertii ordinis confluant, ita alacres itaque frequentes, uti olim undique ad Franciscum ipsum sese certatim effundebant — Hoc autem maiore contentione poscimus et potiore iure ab Italis speramus., quos unius patriae necessitudo et uberior acceptorum beneficiorum copia propensior iubet esse in Franciscum animo, et maiores eidem gratias habere. Ita sane septem post saeculis Italicae genti et omni christiano orbi contingeret, ut se a perturbatione revocatum ad tranquillitatem, ab exitio ad salutem, hominis Assisiensis beneficio sentiret. Id quidem communis prece, per hos dies maxime, ab ipso Francisco flagitemus : idem contendamus a Maria Virgine matre Dei, quae famuli sui pietatem ac fidem caelesti tutela donisque singularibus perpetuo remuneravit.

Interea caelestium munerum auspiciem, et praecipuam Nostrae benevolentiae testem, Apostolicam benedictionem Vobis, Venerabiles Fratres, universoque Clero ac populo singulis concredito, peramanter in Domino impertimus.

Datum Romae apud S.Petrum die XVII septembbris An. MDCCCLXXXII, Pontificatus Nostri anno Quinto.

LEO PP. XIII.

## EX ACTIS CONSISTORIALIBUS

### DE CONSISTORIO HABITO DIE 25 SEPTEMBRIS 1882

SSmus Pater, habita allocutione, creavit et publicavit Cardinales S. R. E. ex ordine Presbyterorum R. P. D. Angelum Bianchi, Archiepiscopum Myrae in Licia, Nuntium Apostolicum in Hispania, natum Romae die 19 Novembris 1817.

R.P.D. Wladimirum Czacki Archiepiscopum Salaminae in Cypro, Nuncium Apostolicum in Gallia, natum in Poryck die 16 Aprilis 1834.

Deinde proposuit sequentes Ecclesias:

TITULARREM ECCLESIAM ARCHIE-	P. D. Aloisii Ruffo de Calabria
PISCOPALEM APAMEN.	vacan, per ad metropolitanam Sedem Nea-
translationem, dum viveret, R.	politanam, favore R. P. D. An-